

cappittyls willen vnde wissen geeygint vnde bestetigit der kirchin vnde dem conuente czu sende Affran, das man da von den salter lesen sal alle iar obir dem grabe, alze obin geschrebin stehit, vnde eygen vnde bestetigen das der selbigen kirchen vnde conuente czu sende Affran mit allen rechten, alze der selbe Balthasar von vns gehabt hat mit kraft dys brifes, der gegeben ist czu Meyssen nach Cristys geburt vierzehenhundirt iar dar nach in dem erstin iar an sende Johannis tage des toufers. Des czu bekentnisse haben wir vnsir grös insigil an dysen bryf wissentlich lassen hengen.

Nach dem Orig. im K. Haupt-Staatsarchiv zu Dresden mit dem wohlhaltenen grossen Siegel des Bischofs an einem Pergamentstreifen.

No. 238. 1402. 18. Oct.

*Markgraf Wilhelm eignet dem Afrastifte das von Heinrich Karass erkaufte Dorf Hausdorf.*

Wir Wilhelm von gotis gnaden marcgraffe czû Missin, lauegraffe in Doringen vnd pfalzgraue czu Sachsen bekennen —, daz wir dem almechtigen gote, syner werden mutir Marien, der reynen iungfrauen vnde allen gotis heiligen czu lobe vnde czu eren, vnsir eldirn vnsir vnde allir vnsir nachkomen selen czu troste vnde czu seligkeit, daz dorff Hugestorff in der pflege czu Dresden, czwischen Maxim vnde Reynardsgrymme gelegen, daz der probist czu sente Affren regeler ordens czu Missin wider Heinriche Karaße zu Polenczk gesessin gekoufft hat, der daz dorff von vns czu lehene gehabt vnde ym daz in vnsir hende vffgegeben vnde sich des vor sich vnde sine erben lediglichin vorezegen vnde geüssirt hat, dem clostir sente Affren regeler ordens czû Missin geeygint vnde gegeben habin mit allen gerichtten czinsen eren nuczezin werden vnde czûbehörungen, alz daz der selbe Heinrich Karas biz her besessin vnde gehabt hat, also daz der probist da selbis czû sente Affren, der iczund ist vnde alle syne nachkomen die in gezeiten da sin, des dorffis furbasmer gebruchen, die czinse vnde allen nütz dauon hebin vnde die in des clostirs vnde conuentis fromen wenden sullen vnde mügen ewiglichin —. Mit orkunde dises brieffes, daran wir vnsir fursteliche insigil wissentlichin habin lassin hengen. Hie by syn gewest vnde synt gezüge die gestrengin vnsir liebin getruwin er Offe von Sliwin, Tiezman von Grünrode, Gunther von Bünow vnde andir lute gnug, den wol ist czüglofben. Gegeben czû Ilburg nach gotis geburte vierzehenhundirt iar, darnach in dem andern iare an der mittewochin sente Lucas tage dez heiligen ewangelisten.

Nach dem Orig. im K. Haupt-Staatsarchiv zu Dresden wie No. 235.